

res fere totae membranaceae, intimae acuminatae, apicibus *Plantae*. lanuginosis flosculos fouentes. *Semina* pauca, magna, pappo fetoso sessili.

125. HIERACIVM *virosum*.

*Planta* lactescens, gustu virosa, iunior subviolacea, tota pilis canis hirta, sub florescentiam sensim glabrescens. *Caulis* tunc bi vel tripedalis, simplex, teres laevisimus, paslim violascens. *Folia* ab imo ad summum caulem crebra, sensim minora, sessilia, cordato-lanceolata, integra, nisi quod inferiora saepe vno alteroue denticulo subruncinata sint. *Venae* foliorum, imo saepe tota violascunt, et pilos saepe ad costam vel margines sparsos superstites seruant. *Florum* panicula terminalis, coarctata in thyrsum confertum, apice prius florescentem. *Pedunculi* ramosi, ramis diuarcatis, squamulis minutissimis crebris, acutis adpersi; infra thyrsum paslim ex alis foliorum serotini subnascuntur, saepius marcescentes. *Calyx* cylindricus, imbricatus squamis acutis, extimis minutissimis. *Corolla* aurea, flosculis subaequalibus, exterioribus longitudine fere calycis exsertis. In herbidis montosis ad Iaikum et Volgam paslim obseruata species, Iulio florens. — An *Hieracium cerinthoides*?

126. PRENANTHES? *hispida*.

*Planta* tripedalis, erecta, ramosa, attamen rara, striataque. *Caulis* striati, spinulis flavescentibus, mollibus sparsissimi. *Rami* alterni, virgati simplices, glabriores. *Folia* per caulem et ramos sparsa, alterna, linearia, sessilia; spinula vtrinque ad basin loco stipulae, et aliquot plerumque per marginem folii sparsis. *Flores* in extremis ramorum minime numerosi, alterni, erecti, pallide flauis. *Calyces* cylindrici, longi, e foliis 8 linearibus, quae extus aliquot adpersis spinulis mollibus hispidantur, basi squamulis aliquot minutissimis aucti. Flosculi 8 vel 10. ligulati. *Pappus* pilosus, sessilis, longitudine calycis. Ad ripas Rhymini montosas, infra Oropolin paslim sed raro obseruata, florida Iunio.